

Visoki predstavnik podržava kandidaturu BiH i Hrvatske za Evropsko fudbalsko prvenstvo 2008. godine

Danas se Visoki predstavnik, Wolfgang Petritsch, sastao sa zajedničkom delegacijom Fudbalskih saveza Bosne i Hercegovine i Hrvatske. Zajednička delegacija, predvođena predsjednicima Saveza Pušinom i Marinkovićem, obavijestila je Visokog predstavnika o zajedničkoj kandidaturi Fudbalskog saveza Bosne i Hercegovine i Republike Hrvatske za Evropsko fudbalsko prvenstvo 2008. godine. Visoki predstavnik je pozdravio zajedničku kandidaturu dva fudbalska Saveza, te konstatirao da ona predstavlja pozitivan primjer regionalne saradnje, koji će privući izuzetno potrebnu međunarodnu pažnju i ulaganja u region.

Visoki predstavnik je naglasio da sport može imati važnu ulogu u procesu pomirenja u regionu, te je pozvao fudbalske saveze da podrže inicijative koje idu u pravcu izgradnje povjerenja između država i zajednica.